HARANGVE 1013

110

PRONONCE E EN LA SALE DV petit Bourbon, le 27 Octobre 1614. à l'ouuerture des Estats tenus à Paris.

Par Reuerend P. en Dieu, Messire DENIS SIMON DE MARQUEMONT, Conseiller du Roy en ses Conseil d'Estat & Priué, Archeuesque Comte de Lyon, & Primat de France.



A PARIS,
EN LA BOYTIQUE DE NIVELLE.
Chez Se Bastien Cramoisy, sus
Sainct Iaques aux Cicognes.

M. DCXV. Auec Privilege du Roy. MULTING ON AND MERCENTERS 10 (23) (20 AD 296 20) Det Said & John



HARANGVE PROnoncee en la Salle du petit Bourbon, le 27. Octobre 1614. à l'ouverture des Estats tenus à Paris.

PIRE,

La felicité de ce siecle à commencé par vostre naissance, elle s'est renouuellee à vostre regne, & vostre Majorité en a asseuré la duree, remarque du temps si salutaire, qu'elle porte nos esprits au delà du temps, & nous oblige d'adorer l'eternelle prouidence de Dieu qui l'a ainsi ordonnépour saire cognoistre qu'il vous a mis au

A ij

monde, afin que vous en soyez l'exemple, la gloire de ceste Couronne, le soulagement & les delices de

vos peuples.

Les labeurs heroïques de HEN-RY LE GRAND vostre Pere, la sagesse incomparable de la Reine vostre Mere, & vos propres vertus, ont seruy de cause seconde à nostre bien. Ce grand Prince d'immortelle memoire a fondé la tranquilité, destruit la diuision, releué la dignité & la splendeur ancienne de la France.

Au coucher deplorable de ce Soleil, ceste Auguste Princesse vostre mere, par sa magnanimité estonna le mal-heur, d'estourna l'orage, & dissipa tous les nuages & les broüillars qui en d'autres minoritez auoient troublé & obscurcy le Ciel de cest estat, qu'elle a depuis maindans, en a conserué & accreu la reputation au dehors, ses louanges
passent nos discours, & sa prudence merite le mesme éloge qu'vne
grande lumiere de l'Eglise a donné
au courage de Debora, vne vesue
gouverne heureusement les peuples, vne vesue envoye les armées,
vne vesue choisit les Capitaines,
vne vesue marche en campagne, vne vesue ordonne les triomphes.

Le Ciel qui l'a opposée a nostre malheur, & qui nous l'a donnee par l'heureuse naissance & excellente nourriture de vostre Majesté, luy face voir tres longues années, la prosperité de vostre personne, & de vostre Estat, & vostre regne fortissé, de la continuation de ses conseils, & du bon-heur de sa presence, produise les merueilles qué le

A iij

monde attend de ses genereuses inclinations que vous auezatoutes les vertus.

La pieté est la premiere, aussi estce le fondement de toutes les autres, c'est la gloire des Roys, c'est le rampart de leurs Estats, en vous elle est desia en sa fleur, le fruict qu'elle promet remplist nos cœurs d'alegresse, & nous asseure que tat qu'elle demeurera en vostre ame Royalle, la felicité demeurera en vostre Monarchie. Elle l'a fait durer plus qu'aucune autre, l'arenduë florissante & victorieuse, toute la terre à admiré le zele des Roys tres-Chrestiens, au service de Dieu, & àlaprotection de l'Eglise, vous en estes, Sare, le premier fils, & les Prelats & autres Ecclesiastiques, dont est composé le Clergé de vostre Royaume, representé par ce

grand & honnorable nombre de Deputez qui sont icy, & qui m'ont chargé de vous faire ce tres-humble remercyment. Ce sont les dispensateurs de ses sacremens & de ses misteres, Pasteurs de la bergerie de Dieu, interpretes de ses oracles. Nous auons les tables de la loy pour enseigner aux peuples la crainte de Dieu & l'obeissance du Roy, la verge pour les conduire, la manne pour les nourrir.

Tels que nous sommes, SIRE, nous sommes vos tres-humbles & obeissans subjects, qui ayat l'honneur d'estre les premiers entre les ordres de vostre Royaume, ne serons iamais deuancez en la pureté de l'affection, en la constance de la sidelité, & au merite de l'obeissance que nous deuons à vostre Majesse; nous sommes nez auec ce deb-

uoir, & vos merites en accroissent tous les iours l'obligation. Car la pureté auec laquelle vous adorez & seruez Dieu, attire des jamille benedictions survous, & surnous pour l'amour de vous. La felicité d'Auguste est la felicité de l'Empire. La felicité du Roy sert de Ciel au Royaume, comme le Nilà l'Egypte. Les peuples anciens exigeoient de leur Prince la prosperité, comme chose, disoient ils, que bjen faisant il leur pouuoit obtenir du Ciel, iamais Rome ne sçeut honnorer d'auantage les Empereurs qu'en s'attribuant à leur vertu la felicité de leur siecle.

Ceste pieté, (SIRE) accompagnée de felicité, secondée de la prudence, nous fait esperer que ceste assemblée conuoquée par vostre commandement reüssira à la gloire gloire de Dieu, à l'exaltation de son Eglise, au service de vostre Majeste, au bien de cest estat, à ces points ausquels nous auons dressé nos intentions. Nous reduirons aussi le cahier de nos remonstrances que nous tiendrons prest le plustost qu'il nous sera possible pour le pre-

senterà vostre Majeste.

Laquelle ne pouuoit entrer dans les années de sa Majorité, soubs les plus heureux auspices pour aller au deuant de tout ce qui pourroit à l'aduenir troubler la felicité, de laquelle en naissant vous sustes obligé à ce siecle. Car vostre Royalle authorité appliquee auec esset aux plaintes & supplications des Estats, sera vn baulme tres-excellent, dont l'odeur & la fragance fera courir & redoubler l'amour & l'obeissance de vos subjects, & la

vertu guerira& consolidera toutes les playes & blesseures que les troubles & desordres passez ont laissé encor en vostre Estat La sasson ne fust iamais si oportune à bien faire, car Dieu mercy ceste assemblee n'est pas comme ont este quasi toutes les precedentes, vn remede necessaire à la violence d'vn grand & pelant mal. C'est plustost vn bon vent qui arriue à vne douce & tranquille nauigation, adioustant les effects à l'esperance, la constance au bon-heur, & la seureté au repos.

Les paroles nous manquent pour exprimer le contentement & le reffentiment que nous auons de ce bien. Beaucoup moins sont elles capables de rendre les graces treshumbles que nous en deuons à vostre Maiesté. Il faut que nostre si-

lence parle, que nostre humilité, remercie. Nous vous supplions tres -humblement, SIRE, iuger. de nos paroles par la veritable affection de nos cœurs, comme en iuge Dieu Tout-puissant, duquel vous estes vne image viuante. Et non pas de nos cœurs par la foiblesse de nos paroles, come en iugent les hommes, nous ne respirons que vostre seruice, ne souhaittons que vostre contentement; & vostre grandeur, en nous l'ardeur de ceste deuotion ne s'esteindra iamais, le temps ne fera que renflamer, l'Eglise ne sçait que c'est d'inconstance, c'est l'espouse du fils de Dieu, elle a la Lune sous les pieds. Et son espoux estat l'autheurdes iustes & legitimes dominations, comme est la vostre, & ayant commandé aux subjects d'aymer, honnorer &

obeyraleur Roy, receura pour sacrifice agreable les vœux & prieres tres-ardentes que nous luy faisons, & ferons tous les iours de nos vies, auectout l'effort de nos cœurs, auec toute l'affection de nos ames, qu'il luy plaise espancher abondamment ses graces sur vostre Maiesté: Que vous soyez le plus religieux, le plus iuste, & plus victorieux Prince qu'aye iamais veu le Soleil, que tous vos subiects vnis au giron de l'Eglise par l'exemple de vostre pieté, & tout l'Orient vaincu & dompté par vos armées, vous remerriez la saincle & triomphante Croix sur les murailles de Hierusalem. Que chery du Ciel & honnoré du monde vous voyez heureusement fermer ce siecle, qui s'est ouvert à vostre naissance. Et qu'en fin à tant de Couronnes qui

auront orné vostre chef en terre, vous adjoustiez celle de l'immortalité, dont jouyssent dessa bien-heureux, les Clouis, les Charlemaignes, les Roberts, & les Louys vos predecesseurs, & qui est preparee dans le Cielà tous les Princes qui en leur vie auront aymé l'Eglise, auront honnoré la religion, & la pieté.

- model what we Fit I N. Jahren way to

neith. I notice have need to an entrelement of the second of the second

Extraict du Privilege du Roy.

PAR grace & privilege du Roy, il est permis à SEBASTIEN CRAMOYSI, Mar chand Libraire Iuré en l'Université de Paris: d'imprimer où faire imprimer, & mettre en vente, la Harangue pronocee en la Sale du petit Bourbon, le 27.0Etobre 1614. à l'onuereure des Estats tenus à Paris, Par Reuerend Pere en Dieu Messire DENIS SIMON DE MAROVEMONT, Conseiller du Roy en ses Conseils d'Estat & Priué, Archeuesque, Comte de Lyon, & Primat de France. Faisant tres-expresses desfenses a tous Libraires & Imprimeurs ou autres de nos subjets de quelque qualité ou condition qu'ils soient, d'imprimer ou faire imprimer ladire Harangue &c, la vendre faire vendre debiter, ny distribuer par nostre Royaume, soubs pretexte de quelque addition, changement, ou autre forme de déguisement qu'on y pourroit apporter, durant le temps & espace de six ans entiers & accomplis, sur peine aux contreuenans de mil liures d'amende, & de confiscation des exéplaires, & de tous despens dommages & interests, comme il est plus amplement declaré és lettres de privilege, données à Paris ce 16. Mars 1615. & de nostre regne le cinquiesme.

Par le Roy en son Conseil.

LE FEBURE



